

OK. 272, 7

1670

Z e  
4540

Sacratiss. Gloriosiss. Invictiss.  
Imp. ac Cæsar.

X2120363

M A T T H I Æ

OPT. MAX. SEMPER  
AUGUSTI,

C O M I T I V A  
P A L A T I N A, C O N -  
T I N E N S P R I V I L E G I A  
P E R S O N A L I A E T H Æ R E D I T A R I A  
Q V Æ M P L U R I M A,

Quæ ex singulari Gratia Cæsarea  
concedebatur

Bartholemæo Schvvartzlos,

Jcto, Consiliario Saxo-Coburgico, & Libe-  
ræ Nobilitatis Francicæ apud Montanos  
Advocato.

Ἔ αὐτόματον ἡμῶν καλῶς βελέεσθαι.  
Placato, possum non miser esse, Deo.

COBURGI TYPIS CASPARIS BERTSCHII. ANNO MDCXIII.

W 227

M A T T H I E

OPT. MAX. SEMPER  
AUGUSTI

COMITIV

PALATINA CON-

TINENSIS  
EDITORIA



Quae ex hujusmodi  
conceduntur

Bartholomaeus

1610. Codicibus  
et Libris



1. Augusti  
1610. post mortem

Comitatus



**M**r Matthias/  
von Gottes Gnaden/ Er-  
wählter Römischer Kayser/ zu allen  
Zeyten Mehrer des Reichs/ in Germa-  
nien/ zu Hungern/ Behaim/ Dalma-  
ten/ Croatten vnd Slavonien ꝛ. König/ Erzhertzog zu  
Osterreich/ Hertzog zu Burgundt/ zu Brabant/ zu Steyer/  
zu Kärndten/ zu Crain/ zu Luxemburg/ zu Wirtemberg/ Ober  
vnd Nieder Schlesien/ Fürst zu Schwaben/ Marggraff des  
hailigen Römischen Reichs zu Burgaw/ zu Mähren/ Ober  
vnd Nieder Lausnitz/ Gefürster Graff zu Habsburg/ zu  
Tyrol/ zu Pfirde/ zu Riburg/ vnd zu Görz ꝛ. Landgraff in  
Elßaß/ Herz auff der Windischen Marck/ zu Portenaw vnd  
zu Salins/ ꝛ. Bekennen öffentlich mit diesem Brieff/ vnd  
thun kund allermenniglich/ Wiewol wir auß Römischer  
Kayserlicher Hoch: vnd Würdigkeit/ darein vns der Allmech-  
tig/ nach seinem Göttlichen Willen gesetzt hat/ auch ange-  
borner Güet: vnd mildigkeit/ allzeit genaigt seind/ aller vnd  
negelicher vnserer vnd des hailigen Reichs Vnterthanen vnd  
getrewen/ Ehr/ Nutz/ Auffnehmen vnd bestes zu betrachten  
vnd zu befürdern/ So würdet doch vnser Kay: Gemüet/ mehr  
bewegt/ denen vnser Gnad vnd sanfftmüetigkeit mitzuhai-  
len/ auch Ihren Namen vnd Stamen/ in höhere Ehr vnd  
Wirde zu erheben/ auch mit sondern vnsern Kay: Gnaden  
vnd Freyheiten zu fürsehen/ deren Vor Eltern vnd so selbst/

A ij

in ehrl.



in ehrlichem Stand vnd Wesen/auch in vnsern vnd des hat-  
tigen Reichs Diensten/herkommen/vnnd daneben/vor an-  
dern/mit guten Adeltichen Sitten vnd Tugenten/auch son-  
derer Vernunfft/Geschicklichkeit vnd Verstand begabt seth/  
als dadurch/vnd dann durch ihre getreue vnd nützliche  
Dienst/vnser vnd des Reichs Wolfahrt vnd auffnehmen ge-  
mehrt/geztert/befördert vnd erhalten würdet.

Wann wir nun güetlich angesehen/wargenommen vnd  
betrachtet/die Erbarkeit/Kedtigkeit/Geschicklichkeit/Adelti-  
che gute Sitten/Tugend vnd vernunfft/darinn der Ersam/  
Gelehrte/vnser vnnd des Reichs Iteber getreuer/ **Bartlme**  
**Schwarzkloß**/ der Rechten Doctor, vor vns berüembt wor-  
den/auch die angenehmen/getreuen/gehorsamen vnd willigen  
Dienst/so Er vns/dem hailigen Reich/vnd vnserm hochlöb-  
lichen Haus Osterreich/Sonderlich aber dem Löbl: Fürstl:  
Haus Sachsen/auch dem Stiffe Bamberg/vnd dann vnser  
befreyten Reichs Ritterschafft in Francken / vtl Jahr / im  
Rahstand vnd auch Advocando, an vnserm Kay: Cammer-  
gericht/dem hailigen Reich vñ gemainen Wesen zum besten/  
mit sonderm rhuemb vnd vleiß erzaget vnd bewisen/vnd hin-  
füro nicht weniger zu thun vnd zu erzagen/gehorsamst vr-  
puettig ist/auch wol thun mag vnd soll: So haben wir dem-  
nach/ mit wolbedachtem Muth/ gutem zettichen Raht/ vnd  
rechter wissen/ gedachten Doctor Schwarzkloß/ zu ergöt-  
lichkeit jetzt angeregter seiner gelaissten Dienste/vnd  
ehrllichen Wolhaltens / in die Ehr vnd Wirde/vnse-  
rer Kay: Pfalz vnd Hofgraven/zu Latein Comites Palatini  
genant/ erhöcht/ gewirdigt vnd gesetzt/ vnd zu der Schaar/  
Gesellschaft vnd Gemainschafft anderer Comitum Palati-  
norum, zugeatgnet/gegleicht/ gesellet/vnd zugefüegt: Er-  
heben

Fastigium  
dignitatis.

heben/wirdigen vnd setzen Ihne/in die Ehr vnd Würde/zu  
atzen/gleichen/gesellen vñ füegen Ihne zu der Schaar/Ge-  
sellschafft vñ gemainschafft anderer Comitum Palatinorum,  
von Röm: Kay: macht/ vollkommenheit/ wissenschaftlich  
in Crafft diß Brteffs/ Vnd mainen/setzen vnd wollen/  
daß nun hinfüro bemelter Doctor Schwarzkloß/ wie andere  
Comites Palatini, alle vnd negeltche Privilegia, Gnad/Frey-  
heit/Ehr/Wirde/Vortl/ Recht vñnd Berechtigkeitt haben/  
sich derselben frewen/geprauchen/vnd gntessen/von Recht  
oder Gewonheit.

Wir geben auch htemit ernantem Doctor Schwarzkloß/vnser vollkommen Macht vnd gewalt/ daß Er an vn-  
ser Stadt/vnd in vnserm Namen/die Personen/so Er  
dazu tauglich vnd geschickt achten würdet/ (welches  
wir setnem Gewissen vnd Beschaidenheit/ haimgestellet ha-  
ben wollen ) zu Notarien / öffentlichen Schreibern  
vñnd Richtern creirn vñnd machen soll / also daß  
dieselben offen / gemaine Greiber / Notarien vñnd Rich-  
ter / durch das ganze H. Römisch Reich / auch vnser Rō-  
nigreich / Erbliche Fürstenthumb vnd Lande / für solche  
gehalten / vñnd aller vnd negeltcher Privilegien, Freyhei-  
ten / Gnaden / Ehren / Wirden vnd Vorthailn / auch Ih-  
res Ampts allenthalben vñnd in allen Gerichtlichen vñnd  
andern Handlungen / Contracten / Testamenten / letzten  
Willen vñnd allen andern Sachen vnd Geschäften / Ihr  
Ambt berürend / geprauchten / treiben / üben / vñnd ntessen  
sollen vnd mögen/als andere gemaine öffentliche Schreiber/  
Publici Notarii genent / vñnd Richter / von vnsern Vor-  
fahren am Reich / oder vnserm Kay: Gewalt gemacht vnd  
creirt, solches alles haben/geprauchen/gntessen vñnd üben/

X iij

von

Inde de-  
pendentia  
Privilegia:  
Perfo-  
nalia.  
Jus crean-  
dor. Nota-  
riorum,  
Tabellio-  
num, Judic.  
ordinarior.

von Recht oder Gewonheit / Doch solle obgedachter Doctor  
Schwarzloß / solche Notarten / so er yeder zeit creirn vnd  
machen würdt / an vnser / auch vnserer Nachkommen am  
Reich Stadt / vnd in derselben / vnd vnserm / auch des hailigen  
Reichs Namen / in gepührlich Glübd vnd Aidt nemen / In-  
massen Ihnen solch Glübd vnd Aidt / von solcher Empter  
wegen zu thun gepührt / getrewlich / ohne alle gefehrde.

Potestas  
plena legi-  
timandi.

Der vorbemelst Doctor Schwarzloß / soll vnd mag auch  
Manns vnd Frawen Personen / Edel vnd VnEdl /  
(Allain Fürsten / Graven vnd Freyherrn Geschlecht außge-  
nommen) Jung vnd Alt / die außserhalb der hailigen Ehe ge-  
boren sein / wie die Namen haben / Legitimiren vnd  
Eheltich machen / vnd mit denselben Ihrer mackl vnd ver-  
mailtung / der Vneheltichen Gepurt haben / dispensirn /  
solch mackl vnd vermailtung von ihnen gantzlich auffhe-  
ben / abthun vnd vernichten / vnd sy in die Ehr vnd Wirde  
des Eheltichen Stands setzen vnd erheben / also daß denen / so  
wie obsteht / von Ihme Doctor Schwarzloß / geehlicht vnd  
legitimirt / solch Ihr vneheltich Gepurt / weder inner noch  
außserhalb Gerichts / noch sonst in kain ander weise / zu katner  
Schmach oder Schand / fürgehalten / noch sy deren in ain-  
gen Händeln oder Sachen entgelten / sondern für eheltich ge-  
halten / vnd zu allen Ehren / Wirden / Emptern / Rünfften /  
Handwercken / wie andere / so von Vatter vnd Muetter /  
eheltich geborn sein / angenommen vnd zugelassen werden /  
vnd derselben / auch aller vnd negelticher Gnad / Freyhett /  
Vortl / Recht / Gerechtigkeit / vnd gueter gewonheit mit Le-  
hen vnd Emptern / zu haben / zu empfangen / zu tragen /  
Lehen vnd all ander Gericht vnd Recht zu besitzen /  
Vrtl

Urtel zu schöpfen vnd Recht zu sprechen / in allen vnd  
negelichen Stenden vnd Sachen / vnd des alles empfenge-  
lich / darzu tauglich vnd guet / auch aller Erbschafft / es sey  
durch Testament / letzten willen / donation, oder ab intestato,  
vnd all ander weeg vāhig sein / vnd sich dessen alles vnd yedes /  
sambt vnd sonderlich frewen / geprauchten vnd gentessen sollen  
vnd mögen / Doch den andern Eheltchen natürlichen  
Erben / in ab: vnd auffstetgender Linj / derselben Geschlecht /  
an Ihren gepürenden Erbschafften vnd Legitima, vnver-  
griffen vnd vnschädlich.

Gleicher gestalt geben wir auch / obgenantem Doctor  
Schwarzloß / vnser vollkommen Macht vnd Gewalt /  
Vormunder / Curatores, Bögt vnd Pfleger / so von  
andern gegeben vnd gesetzt worden / zu confirmirn, auch  
selbst zu setzen vnd zu verordnen / vnd wiederum auß  
rechtmessigen redlichen Ursachen zu entsetzen / Auch Söhn  
vnd Töchter zu adoptirn vnd arrogirn, vnd solche ad-  
optirte vnd arrogirte, auch andere Eheltch vnd Vneheltch  
geborne vnd Legitimirte Personen zu emancipirn, vnd in  
Väterlichen Gewalts / desgleichen Leibaigene Leuth  
vnd Knecht ihrer Leibaigenschaft vnd Dienstbarkeit  
zuerlassen / vnd zu erledigen: Mit den Minder Jähri-  
chen vnd VnVogtbaru / ihres vnvolkommen Al-  
ters vnd mangel halben zu dispensirn, in allen vnd  
yeden veltgemelten Sachen vnd Handlungen Decret vnd  
anthoritet zu interponirn.

Weiter  
die verleumbden vnd Infamirten Personen / tam  
Juris, quā facti, zu restituirn, in auch widerumb nach  
auffge-

Jus dan-  
dor: confir-  
mandor.  
amoven-  
dor. Cura-  
torum.

Jus ado-  
ptandi, Ar-  
rogandi,  
Emanci-  
pandi, Ma-  
numitten-  
di.

Veniam  
ætatis con-  
cedendi, &  
decretum  
& autori-  
tatem in-  
terponēdi.

Infames re-  
stituendi

auffgehebter Schmach/die ihnen zugefügt werden möcht/zu  
übung aller Handlung/inner vnd außserhalb Gerichts/vä-  
hig/tauglich/vnd geschickt machen/alles nach Ordnung vn-  
serer Kay: geschribnen Rechten / vnd des hälligen Reichs  
Sakung vnd herkommen.

Jus creandi  
in quavis  
Facultate  
Doctores,  
Licētiatos,  
Magistros,  
Baccalau-  
reos,  
Poētas  
Laureatos,

Wetter geben wir auch gedachtem Doctor Schwarz-  
loßen/noch verner vnser vollkommen Macht vnd Gewalt/  
daß Er in allen Faculteten, als der Theologie, Juri-  
sterei vnd Arzney/ Doctores vnd Licentiaten, auch  
der freyen Kunst Magistros, Baccalaureen vnd Poē-  
tas Laureatos creirn vnd machen soll vnd mag/ Doch  
daß Er in einer yeden Creation eines Doctors oder Licenti-  
aten, zum wenigsten dret andere Doctores, derselben Facul-  
tet, zu sich nehme vnd geprauche/die den jentigen/ welchen sy  
also zu Doctorn oder Licentiaten, creirn vnd machen wöl-  
len/zuvor gepühlicher weiß/ Ob er des Standts vnd Grads  
wirdig/ darzu geschickt vnd tauglich sey/nottürfftiglich exa-  
minirn, vnd den oder dieselben/ so sy tauglich vnd geschickt  
erkennen vnd erfinden werden/alsdann zu Doctorn vnd Li-  
centiaten creirn vnd machen/ Ihnen auch die gewöhnlichen  
Doctorlichen Zier vnd Clatnot/an vnser Stadt/vnd in vnserm  
Namen conferirn, geben vnd verleyhen/ Welche Docto-  
res, Licentiaten, Magistri, Baccalaureen, vnd Poēten, so ge-  
hörter massen / von ernantem Doctor Schwarzloß creirt  
vnd gemacht werden/auff allen vnd yeden Universiteten zu  
reden/ zu lesen/ zu disputirn, zu consulirn, vnd andere der-  
gleichen Actus zu üben vnd zu verrichten/Macht vñ gewalt/  
auch all vnd negeliche Gnad/ Freyheit/ Vortl/-Recht vnd  
Gerechtigkeit/dazu guet gewonheit haben sollen vnd mögen/  
als



als andere Doctores, Licentiaten, Magister, Baccalaureen,  
vnd Poëten, so auff der hernach benannten Univerſitet einer/  
Als nemlich/Pariß/Bononten/Padua/Peruſa/Piſa/Lö-  
ven/Wien/Inglſtatt/Leipzig/Wittenberg vnd Marburg/  
zu Doctorn vnd Licentiaten, promovirt vnd creirt werden/  
üben/verrichten/haben/geprauchen vnd genieſſen/von aller-  
menniglich vnverhindert.

Deßgleichen thun vnd geben wir offtgenantem Doctor  
Schwarzkloß/ diſe beſondere Gnad/ daß Er Ehrlichen redt-  
chen Leuthen/die Er deſſen würdig erachten würdt/ Welches  
wir dann ſeinem gefallen vnd beſchaidenheit/hatmgeſtellt ha-  
ben wollen/atnem reden/nach ſeinem Standt vnd Weſen/  
Zaichen/Wappen vnd Clainot/ mit Schildt vnd  
Helm/ geben vnd verlethen / dieſelben Wappen vnd Le-  
hens genosß machen/ſchöpffen vnd erheben ſoll vnd mag/  
also daß dieſelben Perſonen/ſo obgedachter D. Schwarzkloß/  
mit Wappen vnd Clainot/ mit Schildt vnd Helm/wie ob-  
ſteth/begaben vnd fürſehen würdt/auch ihre Eheliche Leibs  
Erben/vnd derſelben Erbens Erben/ ſolche Zaichen/Wap-  
pen vnd Clainot/mit Schildt vnd Helm/für vnd für in ewig  
zeit/haben/führen/vnd deren in allen vñ negeltichen ehrlichen  
vnd redlichen Sachen vnd Geſchefften/ zu Schimpf vñnd  
ernſt/ in Streitten/ Stürmen/ Kempfen/ geſtechen/ gefech-  
ten/Pantrn/ Inniſgln/ Petschafften/ Clainoten/ Begreb-  
nüſſen vnd ſonſt an allen Enden vnd Dritten/nach Ihren  
Nothurfftten/ Willen vnd Wolgefallen/ geprauchen / auch  
all vnd negliche Gnad/Frenheit/Ehr/Wirde/Vortl/Recht  
vnd Gerechtigkeitt/mit ämptern vnd Lehen/Gaiſtlichen vnd  
Weltlichen zu haben/ zu halten/ vnd zu tragen/ mit andern  
vnſern vnd des Reichs Wappens vnd Lehensgenosßleuthen/  
B Lehen

Jus libe-  
rum confe-  
rendi in-  
ſignia &  
arma.

Capacita-  
tem tribu-  
endi in  
feudis.

Lehen vnd all ander Gerichte vnd Rechte zu besitzen/ Vrtel zu  
 schöpfen/ vnd Recht zu sprechen / dessen alles thailhafftig/  
 würdig/ empfenglich/ vnd darzu tauglich/ schicklich vnd guet  
 sein/ in Gaislichen vnd Weltlichen Stenden vnd Sachen/  
 sich des alles freuen/ geprauchten/ vnd genessen sollen vnd  
 mögen/ als andere vnserer vnd des Reichs Lehens vnd Wap-  
 pengenosleuthe/ solches alles haben vnd sich deß freuen/ ge-  
 prauchen vnd genessen/ von Recht oder gewonheit/ Doch  
 „ solle gedachter Doctor Schwarzloß / sein vleissig auffse-  
 „ hen haben/ daß Er in Crafft diser vnserer Kay: Freyheit vnd  
 „ Gnad / vnsern Kay: oder Königlich: Adler / auch anderer  
 „ Fürsten/ Graven/ oder Freyherrn/ alt Erblich Wappen vnd  
 „ Clainot auch yemands/ wer der were / ain oder mehr Kö-  
 „ nigliche Cron / auff dem Helm nit verlenhe/ Welches wir  
 „ vns hitemit vorbehalten haben wollen.

Hære-  
 ditaria  
 privile-  
 gia.  
 Jus transu-  
 mendi au-  
 thentifandi  
 instrumen-  
 ta.

Darzu geben wir Ime/ vnd seinen Eheltchen Manns-  
 lichen Leibs Erben/ vnd derselben Erbens Erben/ noch wei-  
 ter vnser vollkommen macht/ also daß sy von allerhandt  
 Privilegien, Instrumenten, Vrkunden/ Briefen vnd  
 Schrifften / wie die namen haben möchten/ do sy von ye-  
 mandt derhalben ersucht würden / ain oder mehr Trans-  
 sumpt machen/ dieselben vidimirn, vnd vnder Yren auff-  
 getruckten oder anhangenden Insign / authentifirn sollen  
 vñ mögen/ Welchen Transumpten vnd Vidimussen allent-  
 halben/ Inn: vnd ausserhalb Gerichts/ vollkomner Glauben  
 zugestellt werden solle/ In aller massen/ als ob sy von ainem  
 Fürsten/ Prælaten/ Graven/ Freyen / Herrn/ Statt / Ges-  
 mainde/ Landt oder anderm Gericht vidimirt, vnd authen-  
 tificirt weren.

Vnd zu noch mehrer gezeugnuß/ Glauben vnd Ge-  
 dechtnuß

dechnuß vnserer Kay: Gnad/ damit wir vilgedachtem Do-  
ctor Schwarkloß genatzt/ Geben wir Ime auch dise beson-  
dere Gnad vnd Freyhett / daß ain uegeliche Obrigkeit/  
Comun, oder Ort des hailtigen Römischen Reichs/  
auch vnserer Osterreichischen vnd anderer Erblichen Für-  
stenthumben vnd Landen / da der bemelt D. Schwarkloß/  
auch alle seine hezige vnd künfftige Eheliche Leibs Erben/  
vnd derselben Erbens Erben/seines Namen/Stammen vnd  
Geschlechts/für vnd für ewigeltch/wo vnd welcher enden vnd  
Ortten/so hezt oder künfftig/in Stetten/Flecken/ oder auff  
dem Land/sambt Iren Hauffrawen/ Kindern / Dienern/  
Hauffgesindt/Zugehörigen/vnd verwandten/auch Irer aller  
Haab vnd Güetter/wentig oder vil/ zu yeder zeit/mit Iren  
Hauffstichen anwesen oder wohnungen/sich niderlassen/sitzen  
vnd bleiben wollen/oder so sy ainmaln/an ainem Ort seß-  
hafft oder wonhafft gewesen weren/vnd hernach solche Ire  
wohnungen vnd anwesen weiter in andere Ort verkeren oder  
verendern würden/wann vnd so oft solches durch sy/ Irer  
gelegenheit nach/gesehehe/an denselben Ortten vnd enden/  
nit allain sy mit Iren Personen / auch Iren Ehelichen  
Hauffrawen/ Kindern/hezigen vñ künfftigen/vnd derselben  
Kindes Kindern/auch deren aller Haab vnd Güetter/ nichts  
davon ausgenommen/ noch hindangesezt/ wo vnd an wel-  
chen Ortten/die gelegen seindt/einkommen/sitzen/wohnen/  
anzunehmen vnd bleiben zu lassen / schuldig vnd  
pflichtig sein sollen/ sondern das sy auch an allen solchen  
Ortten vñ enden/mit Iren Personen/auch allen Iren Haab  
vnd Güettern/ligenden vñ fahzenden/gar nichts außgenom-  
men/aller vnd uegelicher/ Hoher vñ Nider/grosser vñ  
flainer/ Burgerlicher oder anderer ämpter/ als der  
B ij Burger

Jus gratis  
ingredien-  
di emi-  
grandi  
ubiq; in  
imperio.

Immunitas

Bürgermeister / Rathgeben / Gerichts vnd Recht / vnd darzu  
in gemain / aller anderer ämpter / Verwaltungen / Admini-  
strationen, Verwesungen / auch Pflegschafften / Vormund-  
schafften / oder in andere dergleichen weeg / wie alle solche ver-  
waltungen Namen haben können vnd mögen / nichts auß-  
genommen / Darzu auch mit belegung vnd einnehmung  
des Kriegsvolcks vnd andern Beherbergungen vnd  
Gastungen / Dergleichen / Wachens / Reisens / Fro-  
nens / vnd dergleichen Dienstbarkeiten / für sich selbst  
vnd die seinen / vnd sonst aller anderer beschwerden / ganz  
vnd gar frey / exempt, vnd entledigt sein / auch mit dem  
allem / wider Ihren guten Willen / nicht beladen / be-  
schwert noch angefochten / darzu die anzunehmen / kaines  
weegs getrungen werden sollen noch mögen.

Exemptio  
ab onerib<sup>9</sup>  
publicis.

Der vorgenant Doctor Schwarzkloß / seine nehtige vnd  
künfftige Leibs Erben / vnd derselben Erbens Erben / für vnd  
für seines Ehelichen Mannlichen Stammens / sollen auch  
an allen vnd yeden Orten / da sy nehtige oder künfftige Heuß-  
liche Wohnung / im haitigen Reich oder vnsern Königreich  
chen / Erblichen Fürstenthumben vnd Landen / mit Ihren  
Ehelichen Haußfrawen / Kindern / Dienern / Haußgesindt /  
vnd Verwandten haben / sein oder sitzen werden / aller Ihrer  
vnd Ihrer Haußfrawen Haab vnd Güetter halben / so viel  
sy dern / auch wo vnd an welchen Orten sy die haben / ligent  
vnd fahrenden / nichts außgenommen / neben andern Bür-  
gern vnd Inwohnern mit ganz kainerlei Steuern /  
Losungen / aufflegungen / anschlagungen / Hilff: vnd  
anleggelt / wie vnd vmb was Sachen solches beschehen /  
oder fürgenommen / belegt / oder beschwert werden.

Vnd

Vnd in sonderhett/ so sy sich von ainem Ort/ zu dem andern oder mehrern thun oder ziehen/ oder Inen sonsten anderer Orten Ichtwas/ an ligenden vnd fahrenden Güettern Erbschafftswaise zustehn od anersterben würde/ so oft vnd zu was zeiten/ oder welcher Orten solches beschehe/ **gantz kain Steuer oder Nachsteuer/** weder an zwanen/ dreyen oder mehr/ auch weder umb den zehenden/ noch mehr oder mindere Pfenning/ weder von Iren Paarschafften/ ainlichen Iren liggenden/ noch allen andern Iren fahrenden Haaben/ Güettern/ vnd Zinsen/ wie vnd wo die allenthalben gelegen vnd genant werden/ zu raichen/ oder zu bezaln/ schuldig sein

Deßgleichen/ das sy allenthalben/ wann sy wollen/ von denen Stetten vnd Orten/ da sy nederzett Ire Heußliche Wohnung haben vnd sitzen werden/ sich/ aller vnd negeltcher Obrigkeit halben vnverhindert/ von solchen Orten vnd Stetten/ frey abziehen/ Vnd ob sy wollen zu Irer glegenheit/ sich widerumb daselbst hin thun/ vnd ziehen/ auch an solchen Orten wider eingenommen vnd zugelassen werden/ Vnd alsdann die Freyheiten vnd Exemptionen/ nichts desto minder verner haben/ vnd sich deren geprauchen sollen vnd mögen/ wie hievor vnd hernach begriffen würdet.

Wo auch ainliche Statt oder Flecken/ dahin sich bemeister Doctor Schwarzloß/ seine Erben vnd die Ihrigen/ als obsteht/ also mit Irer Haushabung thun/ von vnsern Vorfahrn/ vns/ oder vnsern Nachkomen/ **mit sonderer Freyheiten/** die dieser vnser Begnadung vnd Exemption, gar/ oder ains thails/ zu wider sein oder verstanden werden möchten/ für sehen weren oder würden/ Sonderlich neben andern/ wo die Haab vnd Güetter/ ainmahl in

Libertas  
respectu  
collecta-  
rum & ju-  
ris emi-  
grandi.

Derogatio  
contrari-  
orum pri-  
vilegiorum

Ihr Steuer kommen oder gewachsen / das dieselben  
als dann für vnd für darinnen bleiben müesten / So wollen  
wir doch / das solche hievor außgangne widerwer-  
wertige Freyheiten / oder so die künfftiglich außgehn  
würden / wider dise vnser Freyheit vnd Begnadigung  
nit statt finden / noch derselben ainliche ver hinderung  
thun sollen oder mögen / Denen wir dann allain in die-  
sem Fall / vnd so verz sy diser vnserer Begnadung zu wider  
setn / vnd nicht weiter / hiemit next als dann / vnd dann als  
next / von Röm: Kay: macht vollkommenhalt / dero-  
girn, vnd allerdings derogirt haben wollen.

Wir thun vnd geben auch offtgedachtem D. Schwarz-  
los / noch weiter dise Gnad vnd Freyheit / also / das Er / sein  
Eheliche Hausfraw / Ire Leibs Erben / vnd derselben Er-  
bens Erben / von Geburt / Namen / Stammen / Geschlecht /  
Schildt / vnd Helm / Mann vnd Frauen Personen / auch  
Irer aller Vnderthanen / Lehenmanne / Aigenleuth / vnd  
Berwanthen / so Inen zugehören vnd zu versprechen stehn /  
vnd derselben aller Haab vnd Güetter / ligendt vnd fahrendt /  
wo vnd an welchen enden die gelegen vnd gessen sein / vmb  
kainerlai Sachen / Spruch noch anforderung willen / es treffe  
an / Leib / Ehr / Haab vnd Güetter / mit kaimem Arrest be-  
schlagen / noch auffgehalten / auch weder an vnserm vnd  
des hailigen Reichs Hoffgerichte zu Rotweil / noch ainich  
Landt / westphalisch / oder ander frembde Gericht /  
wie die next im hailigen Reich / vnd desselben angehörigen  
Fürstenthumb vnd Obrigkeiten / auffgericht vnd beneüt wer-  
den / kains außgeschlossen / nit fürgehaischen / geladen /  
noch daselbst beclagt / noch wider sy / Ir Leib / Haab

vnd

Privilegi-  
um fori.

Derogatio  
contra  
privilegium  
iudiciorum

Vnd Güetter/gericht/gevrtheilt/ procedirt, exequirt  
noch verfahren werden solle/ in kaiserlei weise/ son-  
der wer zu Inen gemainiglich/oder Ir ainem insonderheit/  
Clag/Spruch vnd anforderung hetten oder gewinnen/wie  
oder warumb das were/niemandts/noch nichts außgenom-  
men/der oder dieselben sollen das Recht/gegen offtgemeltem  
Doctor Schwarzkloß/ seiner Hausfrauen vnd Ehelichen  
Leibs Erben/desgleichen Iren Haab vnd Güettern/ligenden  
vnd fahrenden/ ohne alles mit/allain vor vns selbst/  
als Regierenden Römischen Kayser/vnd Erzherzogen  
zu Osterreich/vnd vnsern Nachkommen am Reich/  
Römischen Kaysern vnd Königen/vnd Erzherzogen  
zu Osterreich/oder vnsern/vnd Iren Kay: vnd König:  
Gammergerichten im hailigen Reich/oder Regierung  
vnsrer Osterreichischen Lande/ oder aber der Obrig-  
keit/darunder sy zu yeder zeit/ mit Irem haimwesen  
wohnen werden/vnd dann/gegen Iren Dienern/Lehent-  
leuthen/vnderthanen/vnd die Ihnen zugehörn/vñ derselben  
Haab vnd Güetter/an Dritten vnd enden/da sy Gerichts-  
zwang haben/wo nit an denen Gerichten/darinnen sy gesessen  
vnd gelegen sein/vnd sonst nindert anderstwo suchen/da-  
hin sy auch ein yeder Richter auff des vertragenanten Doctor  
Schwarzkloß/vnd seiner Ehelichen Leibs Erben vnd Erbens  
Erben abfordern/an verberürte Dritt/ zu Recht weisen  
solle/Es were dan Sach/das den Clegern auff Ir ansuchen/  
an den angezaigten Orten das Recht kundtlich versagt/vnd  
gefehrlicher weise verzogen würde/In welchem Fall/der oder  
dieselben/alsdann das Recht gegen Inen suchen mögen/an  
B iij denen

-allona  
-org oit  
-mull  
-ligi  
-muc  
-curs  
-sdris  
Jus avo-  
candi.

Annul-  
tio pro-  
cessuum.

denen enden vnd Gerichten/da Inen das füglich ist/ Wo  
aber darüber ainlicher Arrest/fürladung/Urteil/Proceß/Exe-  
cution, oder anders wider gedachten Doctor Schwarzkloß/  
sein Hausfrauen/ vnd derselben Eheliche Leibs Erben/Die-  
ner/Vnderthanen/Lehen vnd aigenleuth/Zugehörige vnd  
verwandten/oder Ire Leib/ Haab vnd Güetter/ außgehen/  
gehandelt/ gesprochen oder procedirt würde/in was schein/oder  
wie das geschehe/das alles vnd nedes/ soll ganz Crafftloß/vn-  
pündig vnd vndichtig/vnd den fürgeladenen an Iren Leiben/  
Haab vnd Güettern/ganz vnschedlich vñ vnvergriffen sein/  
Dann wir das alles vnd nedes/ so hiewider fürgenommen oder  
gehandelt werden möcht/next als dann/vnd dann als next/  
auß Röm: Kay: macht vollkommenheit, hienit ganz  
vnd gar auffheben / cassirn vnd abthun / Doch die  
Sachen vnd Fall/ so in weilandt vor hochgedachts vnsers  
geliebten Herrn vnd Vatters/Kaiser Maximilian des An-  
dern seeltgen/erneuerten Hofgerichts ordnung zu Roetweil/  
vnter dem Fünfften Titel des andern Thails austrücklich be-  
griffen seindt / außgenommen.

Jus sigil-  
landi cum  
cera rubra.

Wetter geben wir mehrermeltem D. Schwarzkloß/ set-  
zen Ehelichen Leibs Erben/ vnd derselben Erbens Erben/  
Mann vnd Frauen Personen / gleichfalls in ewig Zeit/die  
sondere Freyhett / Also / daß Er vnd seine Eheliche Leibs  
Erben/ vnd derselben Erbens Erben/ Mann vnd Frauen-  
Personen/ nun hinfüro/in allen vnd negelichen Iren Be-  
siglungen / grossen vnd klainen / offnen vñnd beschlossenen  
Brieuven vnd Schrifften/so von Inen mit Iren anhangen-  
den oder auffgetruckten Innsiegeln vñnd Pertschafften be-  
crefftigt/vmb was Sachen oder wie das were/ gegen vns vnd  
sonst nedermenniglich / ain Rot Wachs geprauchten/  
vñnd damit/ Irer Notdurfft vñnd Gelegenheit nach/  
Besiglen/



Besiglen vnnnd Petschafften sollen vnd mögen / vngetrirt  
vedermennitgeltchs.

Vnd damit nun gedachter Doctor Schwarkloß / seine  
Eheltche Leibs Erben / vnd derselben Erbens Erben / bet al-  
len obbegriffnen vnsern Kay: Gnaden vnd Freyheiten / vmb  
so vil desto ruhiger vn̄ steter gehandthabt werden mögen / So  
haben wir Ine sambt seiner Eheltchen Hausfrawen / allen  
Ihren ehelichen Leibs Erben / vnd derselben Erbens Erben /  
Dienern / Hausgesindt / Vnterthanen / Hinterlassen / Lehen-  
mann / Aigen Leuth / Verwandten / vnd allen den yentigen / so  
Inen zugehören vnd zuversprechen stehn / auch allen Iren  
Leib / Haab vnd Güetern / die sy veko haben / oder künfft-  
iglich mit rechtmessigem Titl überkommen / ligenden vnnnd  
fahrenden / Lehen vnd Aigen / wo vnd an welchen enden die  
gelegen / nichts davon außgenommen / in vnsern vnd des  
hailigen Reichs / vnd vnserer Königreich / Erblichen Für-  
stenthumben vnd Lande / auch vnser lob: Haus Osterreichs  
besondere Gnad / Verspruch / Schutz vnd Schirm /  
auff ewig Zeit / auffgenommen vnnnd empfangen / Inen  
auch darzu vnser vnd des Reichs / desgleichen nextbemelter  
vnserer Königreich / Erblichen Fürstenthumb vnnnd Landt /  
frey gestract sicherhait vnd Glaidt / für Gewaltt / zu  
Recht / mitgethailt vnd gegeben / Thun das auch  
von Röm: Kay: vnd Landtsfürstlicher Macht / hiemitt wis-  
sentlich in Crafft dts Brieffs / Vnd mainen / setzen vnd  
wollen / daß sy alle vnd yede obgeschribne Gnad / Freyheiten /  
Privilegien / Ehr / Würde / Vortl / Recht / Berechtigleit / vnd  
guet gewonheit haben / sich deren an allen enden vnd Stetten /  
freuen / gebrauchen vnd genessen / vnd darauff allenthalben  
im hailigen Reich / vnsern Königreichen / Fürstenthumben /  
B v Landen /

Protectio  
& salvus  
Conductus.

Salva  
Guardia.

Landen/ Stetten/ Flecken/ Dörfflein vñd Geyteten/ zu  
Wasser vñd Landt/ Irer Nothdurfft vñd gelegenheit nach/  
fren/ sicher/ vnverhindert vñd vnbeschwert handln/ wohnen  
vñd wandlen/ darzu in Kriegsempörung vñd andern  
Zelten/ auch yedesmals Irer gelegenheit vñd gefallen nach/  
vnsern vñd des hailigen Reichs Kay: oder König:  
Adler/ deßgleichen vnserer Königreich/ Erblichen Fürstenthumb vñd Lande Wappen vñd Glainot/ mit oder  
ohne vnserm auffgedrucktem Insigl vñ Subscription,  
an allen Iren Wohnungen/ Heusern/ Höfen/ Haab vñd  
Güettern/ zu ainem freyen sichern Schutz vñd Salva  
Guardia/ mahlen vñd anschlagen lassen/ vñd sich dessen al-  
les/ wie andere/ so in vnser vñd des hailigen Reichs/ vñd vn-  
serer Königreich/ Erblichen Fürstenthumben vñd Lande/  
sonder Gnad/ Verspruch/ Schutz/ Schirm/ Freysicherheit vñd Glaidt/  
auch von vns vñd vnsern Vorfahrn am Reich/ vñd vnserm Haus  
Osterreich mit dergleichen Salva Guardian Privilegiert vñd fürsehen  
sein/ solches haben/ geprauchten vñd geniessen sollen vñd mögen/ von  
Recht oder gewonheit/ von allermenniglich vnverhindert.

Vñd ob sich begeben/ daß vilgemelter D. Schwarzkloß/ seine Haus-  
fraw/ Irer beider Eheliche Leibs Erben/ vñd derselben Erbens Erben/  
alle oder etliche auß Iren/ jetzt oder künfftiger Zeit/ obbegriffner vnserer  
Gaben/ Gnaden/ Freyhaiten/ Zulassen vñd Rechten/ in ainem oder mehr  
Puncten/ Versiculn vñd Articuln entweder durch stillschweis-  
gen/ oder öffentlich auß gueten willen/ nit gebrauchen/  
oder auch gleich wieder dise vnserer begnadigungen/ in ai-  
nem oder mehr/ selbst das wider spil thun/ auch dasselbig/ vñd  
sonderlich in annemung/ erlegung vñd bewilligung der Burgerlichen  
ämpter vñd Beschwerungen/ wider dise vnserer Freyhaiten zu beschehen/  
nachgeben/ annemmen vñd bewilligen würden/ zu ainem oder mehrmaln/  
vñd so offte das geschehe/ daß doch solches alles/ an den nachgelasse-  
nen

Non usus  
non obsta-  
bit privi-  
legiis.

nen / oder auch vnnachgelassenen Stücken / Puncten / vnnnd Articulen  
disee Begnadigung / da sy auch selbst darwider gehandelt vnd be-  
willigt hetten / ganz vnnachthailig / vnschedlich / auch vn-  
zerbrochen vnd vnzergerzt / aller vnserer freyhaiten /  
sein vnd gehalten werden / Darunter Inen dann auch / Der nit brau-  
chung halben / weder verscheinung Zehen oder mehr  
Jahr vnd Zeit / auch sonst ainiche handlung / so den  
Freyhaiten zu wider sein möchte / an denselben ganz kainen  
Schaden / nachthail oder schwachung bringen solle.

Wir vnd vnserer Nachkommen am Reich vnd vnserm Erb: Hausß  
Osterreich / sollen vnd wollen auch hinfüro in ewig zeit / gedachten Doctor  
Schwarzkopf / seine Eheliche Leibs Erben / vnd derselben Erbens Erben /  
bei disen vnsern hievor beschribnen Gnaden / Frey-  
heiten / Privilegien / Rechten vnd Gerechtigkeiten /  
stet vnd vestiglich handthaben / schützen vnd schirmen / auch  
darwieder weder wenig noch vil / außgehen lassen / Vnd ob das hievor von  
vnsern Vorfahrn / oder vns beschehen were / oder noch in künfftig / auß  
vergeß: vnd vnwissenheit beschehe / So soll doch solches alles / kain Crafft  
vnd Macht haben / Welches wir auch recht als dann / vnd dann als recht /  
auß Röm: Kay: Macht Volkommenheit / in Crafft diß Brieffs / auffge-  
hebt / Cassirt / vernicht / abgethan / vnd demselben hiemit ganz vnd gar  
derogirt haben wollen.

Vnd gepieten darauff allen vnd neden Churfürsten / Fürsten /  
Baißlichen vnd Weltlichen / Prælaten / Graven / Freyen / Herrn / Rit-  
tern / Knechten / Landshauptleuten / Landmarschalcken / Landvögten /  
Hauptleuten / Bisdomben / Vögten / Pflegern / verwesern / Ambleuten /  
Landrichtern / Schulthaisßen / Burgermaistern / Richtern / Rätthen / Kun-  
digern der Wappen / Ehrnholden / Persevanen / Burgern / Gemainden  
vnd sonst allen andern vnsern vnd des hailigen Reichs / auch vnserer Rö-  
nigreich / Erblichen Fürstenthumb vnd Lande / Vnterthanen vnd getreu-  
en / was

Manda-  
tum.

Zo 4540 PK

en/ was Wir den/ Stands oder Wesens die sein / vnd sonderlich allen vnd yeden Kay: Cammer Richtern/ Hoffrichtern/ Landrichtern/ Westphalischen/ vnd andern Richtern / vnd derselben Assessorn, Beystern/ Bressprechern/ Stulhern/ Freygraven/ Schöpffen/ gegenwertigen vnd künfftigen/ ernstlich vnd vestigeltich mit disem Brief/ vnd wöllen/ daß sy den offternanten D. Schwarzkloß/ seine Eheliche Leibs Erben/ vnd derselben Erbens Erben/ dazu Ihre Hausfrawen/ Diener/ Hausgesindt/ Lehensmanne vnd aigen Leuth/ hintersassen/ Vnterthanen vnd Verwandten/ Mann vnd Weibspersonen / so Ihnen zugehören vnd zu versprechen stehn/ für vnd für in ewig zeit/ bey allen obgeschribnen vnsern vnterschiedlichen Kay: Gaben / Gnaden / Privilegien/ Immuniteten, Freyheiten/ Rechten vnd Gerechtigkeiten/ genzlich vnd in allweg handthaben/ schützen/ schirmen/ vnd in solchem allem/ nit hintern noch irren / sondern sy deren aller vnd yeder/ obberürter massen/ ohne eintrag/ ruhig vnd würcklich erfreuen/ geprauchten/ geniessen/ vnd genzlich dabey bleiben lassen/ auch hiewider nicht anfechten/ betrüben/ belaidigen oder beschwern/ noch des yemandts andern zu thun gestatten/ in kain weise noch weeg/ als lieb ainem yeden sey/ vnser vnd des Reichs schwere Vngnad vnd Straff/ vnd dazu ain Pöen/ nemlich **Fünffzig Mark Löttigs Golds/** zu vermeiden/ die ain yeder/ so oft er freventlich hiewider thette/ vns halb in vnser vnd des Reichs Cammer/ vnd den andern halben thail/ vilgedachtem Doctor Bartlmeem Schwarzkloß / seinen Erben / Nachkommen/ vnd den yenigen/ so hiewider belaidigt würden/ vnnachleßlich zu bezaln/ verfallen sein soll:

Pœna.

Mit vrkunde diß Brieffs/ besigelt mit vnserm Kay: anhangenden Innsigl/ der geben ist in vnser Stadt Wien/ den Achthenden Tag des Monats Februarij, Nach Christi vnser lieben Herrn vnd Seeligmachers Geburt/ Sechshundert vnd in dreyshenden/ Vnserer Reiche des Römischen im Ersten / des Hungarischen im Fünfften/ vnd des Behmischen im Andern Jahren.

Matthias/

Ad mandatum Sac: Cæs:  
Majestatis proprium,

H. L. B. Blm. r. m. P. P.

J. R. Pucher m. P. P.

W. 17

M. 5



QR. 272

X2120

N

C  
P A  
T I N  
P E R

Bar  
J Ct

COBUR

ifs.

Æ  
ER

V A  
C O N  
L E G I A  
D I T A R I A


area

artzlos,  
, & Libe-  
ntanos

lay.  
eo.

ANNO MDCXIII.

Z e  
4540



TIFFEN® Color Control Patches

© The Tiffen Company, 2007

Blue Cyan Green Yellow Red Magenta White 3/Color Black

